



УВС АЙМАГ
БИЕИЙН ТАМИР, СПОРТЫН ГАЗРЫН ДАРГЫН
ТУШААЛ

2025 оны 01 сарын 31 өдөр

Дугаар А/11

Улаангом

Журам батлах тухай

Төсвийн тухай хуулийн 16 дугаар зүйлийн 16.5.1, 16.5.2 16.5.5 дэх заалт, Монгол Улсын засаг захиргаа, нутаг дэвсгэрийн нэгж, түүний удирдлагын тухай хуулийн 67 дугаар зүйлийн 67.5 дахь заалт, Сангийн сайд, Эрүүл мэндийн сайдын хамтарсан 2009 оны 53/45 тоот тушаалыг үндэслэн ТУШААХ нь:

1. Байгууллагын өдөр тутмын үйл ажиллагааг удирдах, үйл ажиллагааны үр дүнг дээшлүүлэх зорилгоор уралдаан тэмцээний үед шүүгчээр ажилласан шүүгчийн ажлын хөлсийг тооцох журмыг 1 дүгээр, аймгийн аварга шалгаруулах тэмцээний мөнгөн шагналын хэмжээг 2 дугаар, зааланд чөлөөт тоглолт, тэмцээнд оролцогчдоос авах мандат, фитнесээр хичээллэгчдээс авах төлбөр хураамжийг 3 дугаар, Спортын ордон, спорт заалаар үйлчлэх журмыг 4 дүгээр хавсралтаар тус тус баталсугай.

2. Энэхүү журмыг 2025 оны 02 дугаар сарын 03-ны өдрөөс эхлэн мөрдөж ажиллахыг нягтлан бодогч (Б.Пүрэвсүрэн)-д үүрэг болгосугай.

3. Уг тушаал гарсантай холбогдуулан Биеийн тамир спортын газрын даргын 2024 оны 01 дүгээр сарын 02-ны өдрийн А/02 тоот тушаалыг хүчингүйд тооцсугай.

ДАРГЫН ҮҮРГИЙГ ТҮР ОРЛОН
ГҮЙЦЭТГЭГЧ Х.БАЯРТУУЛ



8525280187

Биеийн тамир, спортын газрын даргын
2025 оны 01 дүгээр сарын 31-ний өдрийн
А/11 дүгээр тушаалын 1 дүгээр хавсралт



Спортын төрөл бүрийн арга хэмжээ, уралдаан тэмцээний
үед ажилласан шүүгчийн ажлын хөлсийг
тооцох журам

№	Шүүгчийн ангилал	Ажлын хөлс /Нэг өдрийн/ төгрөг
1	2	3
1	Олон улсын шүүгч	50,000
2	Улсын шүүгч	40,000
3	Шүүгч	25,000

1. Өөрийн байгууллагын ажилтан, дасгалжуулагч нар амралт, баяр ёслолын өдрүүдэд шүүгчээр ажилласан үед нь шүүгчийн ажлын хөлсийг нь олгох, аль эсвэл ажилтан өөрөө хүсвэл биеэр амралтыг нь нөхөж эдлүүлэх бөгөөд амарч чадаагүй тохиолдолд ээлжийн амралт дээр нь тооцож олгож болно.
2. Тэмцээний үед ажилласан их эмчийг улсын шүүгчтэй, бага эмч, засуулыг шүүгчийн ажлын хөлсөөр адилтгана үзнэ.

Биеийн тамир, спортын газрын даргын
2025 оны 01 дүгээр сарын 31-ний өдрийн
А/11 дүгээр тушаалын 2 дугаар хавсралт



Аймгийн аварга шалгаруулах тэмцээний
мөнгөн шагналын хэмжээ

1.Аймгийн аварга шалгаруулах тэмцээнийг өсвөр, насанд хүрэгчдийн ангилалаар тухай спортын холбоодтой хамтран жил бүр зохион байгуулах бөгөөд тухайн жилийн төлөвлөгөө, графикт тусгагдаж баталгаажуулсан байна.

1.Өсвөр болон насанд хүрэгчдийн аймгийн аварга шалгаруулах тэмцээнийг шагналыг тухайн спортын төрөлд оролцогчдын хамрах хүрээ, нас, жин, зай төрөл ганцаарчилсан болон багийн спортын төрлөөс хамааран дараах байдлаар олгоно.

• Насанд хүрэгчид: 1-р байр 50,000-100,000 төгрөг
2-р байр 40,000-80,000 төгрөг
3-р байр 30,000-50,000 төгрөг

• Өсвөр: 1-р байр 30,000-50,000 төгрөг
2-р байр 20,000-40,000 төгрөг
3-р байр 15,000-30,000 төгрөг

3.Өсвөр болон насанд хүрэгчдийн аймгийн аварга шалгаруулах тэмцээнийг зохион байгуулах эрхийг тухайн спортын холбоодод олгох бөгөөд тухайн спортын холбоодоор дамжуулан мөнгөн шагналыг олгоно.

-----oOo-----

Биеийн тамир, спортын газрын даргын
2025 оны 01 дүгээр сарын 31-ний өдрийн
А/11 дүгээр тушаалын 3 дугаар хавсралт



Зааланд чөлөөт тоглолт, тэмцээнд оролцогчдоос авах мандат,
фитнесээр хичээллэгчдээс авах төлбөр хураамж

1. Зааланд цагаар тоглох

- Хүүхэд -2000
- Насан хүрэгчид -4000

2. Мандатын үнэ:

- Аймгийн аварга шалгаруулах болон нэрэмжит тэмцээнд оролцогчдын хураамж буюу мандатын үнэ өсвөр үе-10000 төгрөг, насанд хүрэгчид-20,000 төгрөг
- Баруун бүс, олон хотын нэрэмжит, улсын аварга шалгаруулах тэмцээнийг орон нутагтаа зохион байгуулахад тэмцээнд оролцогчдын хураамж буюу мандатын үнэ өсвөр үе-20,000 төгрөг, Насанд хүрэгчид- 20000- 50000 төгрөг байна.

3. Фитнесээр хичээллэх:

- Иргэд чөлөөт цагаараа бие бялдраа чийрэгжүүлэх, фитнес хичээллэхэд авах төлбөр хураамжийг дараах байдлаар тогтооно.
- Хүүхэд 1 удаагийн бэлтгэл хийхэд 2000 төгрөг, 1 сарын төлбөр-30,000 төгрөг
- Насанд хүрэгчид 1 удаагийн бэлтгэл хийхэд-5000 төгрөг, 1 сарын төлбөр 50,000 төгрөг тус тус байна.

-----oOo-----

Биеийн тамир, спортын газрын даргын
2025 оны 01 дүгээр сарын 31-ний өдрийн
А/11 дүгээр тушаалын 4 дүгээр хавсралт



Спорт ордон, спорт заалаар үйлчлэх журам 324050002

Нэг. Нийтлэг үндэслэл:

- 1.1. Энэхүү журам нь Биеийн тамир, спортын газрын “А”, “Б” зааланд спортын болон нийтийг хамарсан арга хэмжээ зохион байгуулах, ашиглах, ашиглуулахтай холбогдсон харилцааг зохицуулахад оршино.
- 1.2. Иргэдэд бие бялдрын боловсрол олгох, биеийн тамир, спортоор хичээллэх, биеийн тамирын үйл ажиллагаа, БТС-ын газрын үйл ажиллагааны чиглэл, зорилготой уялдуулан заал ашиглалтын үйл ажиллагааг зохион байгуулна.
- 1.3. Хэрэглэгч нь заал танхимыг ашиглах талаарх тодорхой мэдээлэлийг биеийн тамирын хэлтэс, спортын хэлтэст 1 /нэг /-ээс доошгүй сарын өмнө урьдчилан мэдэгдэж, график, төлөвлөгөөнд тусгуулан гэрээ байгуулж, зохих тарифын дагуу төлбөрийг хийнэ.
- 1.4. Хэрэглэгч талын хүсэлтийг албан бичгээр болон амаар хүлээн авч заал ашиглуулсаны хариуцлагын гэрээ байгуулна.
- 1.5. Заал ашиглахтай холбогдсон өдөр тутмын үйл ажиллагааг заал зохион байгуулагч хариуцах үүрэгтэй бөгөөд байгууллагын даргын өмнө хариуцлага хүлээнэ.
- 1.6. Заалны орлогыг заалны засвар үйлчилгээ, цэвэрлэгээний материал, хэрэглэл худалдан авах, илүү цагаар ажилласан үйлчилгээний ажилчдын урамшуулалд зарцуулж болно.
- 1.7. Заал ашиглах гэрээ, төлбөр тооцооны гүйцэтгэлд нягтлан бодогч хяналт тавин ажиллах ба биелэлт, хэрэгжилтийн явцын талаар газрын даргад танилцуулж байна.

Хоёр. Заалны цаг ашиглалт, дотоод журам

- 2.1 Зааланд зохиогдох аливаа арга хэмжээний үргэлжлэх хугацаа өглөөний 8,00 цагаас 22,00 цаг хүртэл байна.
- 2.2 Заалыг гэрээнд заасан нөхцөл зориулалтын дагуу ашиглах бөгөөд спортын ордон болон заалны эд хогшлийг эвдэлж гэмтлэх, тамхи татах, согтууруулах ундаа хэрэглэхийг хатуу хориглоно.

2.3 Амралтын өдөр ашиглаж байгаа тохиолдолд заал ашиглахтай холбоотойгоор ажиллуулах үйлчилгээний ажиллагсдын илүү цагийн хөлсийг тооцох талаар хэрэглэгч талтай харилцан тохиролцож болно.

2.4 Тэмцээний удирдамж, шүүгчдийн бүрэлдэхүүн, спортын хэрэглэл, материал хангамжтай холбогдсон асуудлыг ашиглагч тал өөрөө шийдвэрлэх бөгөөд гадна талбай болон заал танхимд тавигдах реклам, сурталчилгааны материалыг ашиглуулагч талтай тохиролцсоны үндсэн дээр байрлуулах буюу заал зохион байгуулагчид хүлээлгэн өгнө.

2.5 Хэрэглэгч талд шаардлагатай эд зүйлс, заал танхимыг тэмцээн эхлэх цагаас 30-60 минутын өмнө бэлэн болгож хүлээлгэн өгнө.

2.6 Заал ашиглуулсаны хариуцлагын гэрээ байгуулсан боловч арга хэмжээ зохиогдохоос гурав хоногийн өмнө төлбөр тооцоогоо хийгээгүй тохиолдолд гэрээг хүчингүй болгон цуцалж болно.

2.7 ЕБС-ын сурагчид, 18 ба түүнээс доош насны иргэдэд өвлийн улиралд 18,00 цагаас, зуны улиралд 20,00 цагаас хойш спортын уралдаан тэмцээн, сургалт дасгалжуулалтын үйл ажиллагаа зохион байгуулахыг хориглоно.

Гурав. Төлбөр тооцоо

3.1 Спорт ордонь цагийн хөлс нь 50.000 /Тавин мянган / төгрөг, спорт заал 30,000 төгрөг, байгууллага, хамт олноороо биеийн тамир, спортоор хичээллэх зорилгоор гэрээ байгуулан ажиллах тохиолдолд сарын төлбөр нь 200.000 /Хоёр зуун мянган төгрөг байна.

3.2 Амралтын өдрүүдээр спортын ордон, спорт зааланд уралдаан тэмцээн зохион байгуулах тохиолдолд 1 өдрийн заалны төлбөр 300.000 төгрөг байна.

3.3 Соёл урлагийн арга хэмжээ, урлагийн тоглолт зохион байгуулсан тохиолдолд заалны төлбөр 1000,000 /Нэг сая/ төгрөг байна.

3.4 Шашны аливаа зан үйл /бясалгал, номлол, цуглаан, цэнгүүн, соёл урлагийн арга хэмжээ зохион зохион байгуулахаар бол заалны төлбөр 500.000 төгрөг байна.

3.5 Бусад олон нийтийг хамарсан хурал цуглаан уулзалт, семинар, спортын бус арга хэмжээ зохион байгуулахад спортын ордонд 150,00-200,000 төгрөг, спорт зааланд 100,0 төгрөг байна.

3.6 Төрийн захиргааны төв байгууллага, спортын холбоод, хамтран ажилладаг байгууллага, хувь хүмүүс, хөгжлийн бэрхшээлтэй иргэд, хүүхдийн төлөө олон нийтийн байгууллагаас зохион байгуулж буй хандивын тоглолт, спорт урлагийн



арга хэмжээ зохион байгуулагдах тохиолдолд байгууллагын даргын зөвшөөрөлтэйгээр үнэ төлбөргүй болон 50 хүртэл хувийн хөнгөлөлттэй тарифаар ашиглуулна.

